

晚晴簃詩匯

第四八册

晚晴移詩匯卷一百二十四目錄

趙春熙

八首

冷烜

一首

查梧

一首

趙勳

二首

王祖昌

六首

朱曾傳

六首

鹿林松

四首

張培

一首

黃彥

二首

周樓

二首

李培根

一首

孫韶

三首

蔡鵬飛

一首

張鏐

五首

周珠生

七首

王熊伯

一首

曹文漢

二首

陸志堅

一首

陳授

一首

楊城書

二首

馬春長

二首

張曾懿

一首

胡正基

一首

黃璧

一首

李聖就

三首

柯振嶽

七首

吳應奎

二首

查世官

五首

陳汾

一首

朱和春

一首

許乃椿

一首

陳祖望

三首

錢善揚

一首

夏之盛

一首

范崇階

五首

曹信賢

一首

汪淮

二首

胡金題

一首

胡金勝

一首

黃定齊

五首

王人定

一首

張禮

二首

陳廷瑜

一首

何森

一首

葉時哲

二首

孫澈

一首

晚晴簃詩匯卷一百二十四

徐世昌

趙春熙字緝于別號陸門山樵易州人諸生有雙琴堂詩集

盤道寺

石磴十八盤盤盤下天半窄不得連騎高欲迴飛翰如何
古殿宇撐起崩雲斷上仰萬仞梯下窺百尺澗癯僧不自
危轉爲勞人患石竇引清泉藥苗堆短案意仿趙州茶且
坐揮征汗萬岫蒼翠環千章森綠暗一綫露天痕浮青怯
仰瞰樹杪轉行人旋磨蟻零亂藉非稍息肩顛蹶將遺憾
始信天地仁低昂倏改換平衍地數弓乃在崕岬畔更假
涓滴流暘暑資清灌無險不能夷求安須歷難敢以片刻

間前途弛負擔努力復振衣登峯擬轉盼

除夕卽事用東坡集中餽歲別歲守歲韻

菜根齏儘好底用辛盤佐凍雪積柴荆璀璨勝泉貨春帖
映檐明字字如斗大戲綵童孫歡忭舞俱慵卧青鐙吐燄
紅金粟頻輝座村酒飲屠蘇老幼轉如磨一室篤天倫清
福自謂過更檢古詩篇闕韻呼兒和

爲惜年光去甯嫌滴漏遲往昔徒把翫今茲難復追與我
共黽勉人已杳天涯寄懷空夢想何似耐貧時兩鬢髮旣
短九迴腸詎肥觀此眼前聚轉生憶昔悲壯且不足恃老
亦安得辭所嗟士有志乃遂年華衰

埽齋整書帙舊字掛龍蛇精采尙奕奕煙煤未遽遮潤屋
僅如此其奈賤貧何掩戶聊靜坐所幸無喧譁生平默自

忖慙悔面欲撾性分事無補步履忽跛斜非不歷歲月乃
竟甘蹉跎古人重髦學從此愼虛誇

園居卽事

深慙堂構負貽謀檢校琅函覓好修竹樹漸看三徑滿琴
樽幸藉一甌留析疑燭翦宵中兩學畫山呈花外樓逸興
更邀羣季詠慣搜癖事互拈闌

枉將春及告余知石硯爲田敢望時月不憐人光倍冷花
如媚我謝偏遲幾行桃李留風月一桁雲山當友師不殖
便深將落恐腹撐何似有書詩

徑草何曾破屐痕拌他簪履散平原聽松有伴常偕影得
句誰酬自倒樽短榻久拋塵市夢殘編聊共古今論不緣
蛙鼓鶯簧奏絕少清聲聒耳喧

誠然吾亦愛吾廬種樹蒔花趣覺餘謀醉酒資人問字課
兒手寫父遺書披吟自拙謀生計衫履無華稱索居解得
春風無限樂管教塊壘自消除

冷烜字芸藥大興籍膠州人諸生

詩話膠州冷吉臣故以畫名芸藥為其孫寄籍大興
為博士弟子能詩嘉慶丙寅河溢曹縣馬干總雲從
督兵夫捍之奮立埽上埽潰隨之去求其尸得之下
游四十里商虞廬地衣冠如故立不仆地有漢順平
侯祠民為千總塑象耐焉芸藥弔以詩有日洪流奔
騰天地黑蒼黃乃以東薪塞奮身攘臂爾何人百姓
其魚此頃刻悍然突往大聲呼一聲辟易無干夫千
夫愕視乘流去河伯遼巡立退趨足為以死勤事者
矣

雨後夜坐

水國乍陰晴秋從短褐生鄉思來雁影涼意入蛩聲樹定
留殘滴窗虛待早明寂寥依燭坐疏漏已三更

查梧原名相字仲士號藹吉又號鳳來宛平人有藹吉

詩藁

詩話鳳來工畫蘭竹文采斐然余家先世與有連
風知其人詩藁未梓行錄一絕句以存吉光片羽

客舍聞鐘

勞勞枕席未曾甯數到殘更側耳聽一似晨鐘催早起不
知孤客夜常醒

趙勳字牧亭滿洲旗人有種竹草堂詩

山中春興

不肯作深想詩教信口吟孤雲連霽色高樹結重陰衰客
歸從昨好山看到今野苔迷洞口風過落花深

秋日城西遠望

望遠詩情懶浮雲冷客心漲痕留水岸秋色接城陰默檢

閒愁細行歌露草深殘年廢文字妄想已消沈

王祖昌字子文山東新城人諸生有秋水亭詩草

詩話子文爲漁洋族裔故詩宗漁洋家貧雖粗糲不給而吟詠如常凡所經名山大川與所遇當代人物皆見於詩以弄翰爲性命視世之窮通得喪蔑如也

早行

早起登長路蕭然動客情寒霜千里白曉月一天清未見棲鴉起空聞落木聲行歌忘遠近海外紫霞生

桐軒

半牖梧桐影山月何皎潔寒光流小軒滿地白如雪美人隔千里此夕應愁絕

懷勞山

昔上華嚴寺當門海接天聽潮秋竹下觀日曉樓前樹少

中原鳥橋通外國船別來一千日時復夢游仙

法慶寺對雨

纖纖涼雨打窗紗坐對高僧偶試茶遙憶石橋秋水畔西風開遍白蓮花

與李南宮話舊

昔日游山興有餘桃源共訪列仙居倚松李白愁偏起看竹王猷樂未疏一別真成蝴蝶夢三年不見鯉魚書今朝精舍還相晤再往當乘月上初

宿仙姑洞同劉若時及諸子作

高登碧峯頂靜坐仙姑洞細聽仙梵音不作紅塵夢半鉤明月懸萬壑涼風送倚樓天欲曙誰將玉簫弄

朱曾傳字式魯厯城人有說餅菴詩集

守宮謠

嘈嘈急杵秋聲細石龍夜搗焉支膩別君帳底月如水花
魂一斷千年死人間無物奈愁何黃金屈戌銀河波君乎
莫羨蘇臺樂梧宮紅過胥江落萬古春歸夢不歸羅裙化
作蝴蝶飛

鏡歌

天雞樹下日如血西樓耿耿明河滅蠟淚滴殘妝未成獨
把海綃拂秋月蘭笑蓮颺各不免鏡中紅翠流年轉七十
鴛鴦俱錦毛憑誰持照思深淺

紅樹

柿葉吾鄉物江楓色不如錦開十里障牋箋一樓書秋老
妝偏媚山寒格亦疏樊川憐石徑坐對此停車

秋日同家弟無咎

風定草悠悠蟲聲小院幽無端千里望并作一簾秋老木
常吹雨青山不滿樓忘形吾與汝真似海天鷗

寄上玉笥先生

少日圍棋侍謝公當時忘卻在春風絳紗東國三千士白
髮西湖八十翁

淪謫十洲新絳紗彩毫三館舊黃麻先皇舊史今餘幾又
向江南見翠華

鹿林松字木公號雪樵福山人諸生有雪樵詩集

海鏡亭

萬里無邊際空明獨此亭地天浮一碧齊魯盪餘青旁射
蛟龍氣中盤島嶼形何人正垂釣煙雨滿滄溟

月日集卷之二
五
憶友人村居

幾樹村邊合一峯雲外青
田荒耕曉月井淺汲秋星
到老貧相送苦吟人不聽
記曾相訪處自寫換鵝經

送朱菊人明府臺灣內渡

求詩東到海更向海東求
潮落日生處島懸天盡頭
嶺煙番樹迴溪雨蔗田秋
卻送歸帆去吟聲不可留

贈朱曉帆

冷性難爲熱棄官如棄瓢
年來此孤嶼門外幾春潮
倚杖看巖鶴長吟答野樵
自言無磊塊有酒亦須澆

張培字香巖上元人有香巖詩存

過黃蛟門夜話

小閣篝鐙一點孤犬聲如豹
吠牆隅門開月與客爭入
樹

雜風疑鬼亂呼高論千秋憑位置清茶七碗勝醍醐何當
妙倩王維筆寫作寒林雅集圖

黃彥字友松號蓺庵常熟人有蓺菴遺詩

破龍澗

滿眼詩情祇自尋支筇踏徧破山陰樹分濃淡雲林畫
瀉淒清叔夜琴薄靄輕籠嵐氣靜晚煙低罨鳥聲沈行來
忘卻松風吼疑是驚龍穴底吟

村居雜感

悟得從前事總非杜門無事結交稀常投卻老休糧藥時
典驅寒夾絮衣來往閒雲隨自適飛鳴小鳥亦知機此身
甘作書中蠹養得仙胎脈望肥

周樗字澹衣丹陽人諸生有雅存堂集

明倫彙編 家範典 卷一百一十二
過丁卯橋

舊是詩人宅輕帆此際過小橋通水檻高樹羃煙蘿日晚
漁舟入春深柳絮多遺芳寥落盡對景自長歌

游棲霞

化工作意開奇境我輩尋幽逸興催迤邐深巖皆結屋潺
湲曲水欲流杯行穿石壁摩雲出響雜松聲帶雨來直上
最高峯頂望狂濤萬里接風雷

李培根字遜堂南匯人諸生有來復堂集

首夏

首夏挹芬芳如年日正長疏花藏密樹修竹蔭虛堂暗數
花輒影頻添寶鴨香書聲當晝靜雛燕語雕梁

孫韶字蓮水江甯人諸生有春雨樓詩略

丁卯秋客揚州同阮梅叔小雲游木蘭院

秋草寒煙響暗蛩昔時人去渺無蹤一株銀杏千年物聽
過閣黎飯後鐘

誰識英雄未遇前淮陰往事有漁竿漢唐去古風猶近已
覺人間乞食難

不因名字得風雲肯信文章絕等倫壞壁留題三十載阿
師還是解詩人

蔡鵬飛字梅茵婁縣人諸生有六半樓詩鈔

自題詩集後

不多著句鬢霜新慚愧名山積等身偶輯似非藏大拙閒
披聊可憶前塵米鹽祇抵村書陋晴雨徒嗤日記眞醉裏
漁樵酣野唱漫勞氣韻問何人

張鏐字子貞號老蘊江都人有求當集

送蕭炳之白門

白門楊柳曉唳烏馬上青山似畫圖
六代銷磨金粉盡不須重問莫愁湖

題郭磨靈芬館圖

白髮不相待青山誠可家
亂泉爭一壑孤屋繞羣花
麋鹿行堪戀樵漁迹未賒
祇應守岑寂隨分答年華

地占三分水窗迎四面山
栖雲參白業醉月駐紅顏
夢斷江湖上心移泉石間
松門無客至留得紫苔斑

鐵網沈滄海珊瑚屢見遺
狂應難免俗術自不逢時
歌哭皆天性文章亦我師
平生慕遐躅誰寄草堂貲

秋夜作